

Ժողովուրդ

150
(2630)

22 հոկտեմբերի շաբաթ 2022
տպագրության ԺԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է ՄԱՍ 118



2020թ.-ին բռնկված կորոնավիրուսի համավարակի պատճառով օրվա իշխանության ու, մասնավորապես, վարչապետ Նիկոլ Փաշինյանի՝ սահմանադրական բարեփոխումների քողի ներքո Սահմանադրական դատարանի նախկին նախագահ Հրայր Թովմասյանին պաշտոնանկ անելու նպատակները հոյս ցնդեցին: Թեև իշխող «Քաղաքացիական պայմանագիրը» Թովմասյանին, այնուամենայնիվ, գրկեց ՍԴ նախագահի պաշտոնից, բայց ՍԴ անդամությունից հեռացնելու մեխանիզմներ այդպես էլ չգտավ: Նիկոլ Փաշինյանը Հրայր Թովմասյանին Սերժ Սարգսյանի դրածո ու լատենտ Չանրապետական էր համարում և որեւէ կերպ չէր պատրաստվում հանդուրժել, որ ՍԴ-ում կարող է դե յուրե անդամակցությունը դադարեցրած, բայց դե ֆակտո կուսակցական անձ լինել: Նույն Նիկոլ Փաշինյանը, սակայն, այժմ որեւէ խնդիր չի տեսնում, ավելին՝ գուցե ողջունում է, որ բոլորովին վերջերս կուսակցականի կրծքանշանի արժանացած Կարեն Անդրեասյանը, որ, իր խոսքերով, ոգեշնչվում է Փաշինյանի լուսանկարից, կարող է Բարձրագույն դատական խորհրդում հայտնվել, ավելին՝ նախագահել Բարձրագույն դատական խորհուրդը:

Բայց հանուն արդարության նշենք, որ, ի տարբերություն Անդրեասյանի, որ կարելի է որոշումներ կայացնելուց առաջ ակնդետ նայում է Փաշինյանի՝ իր աշխատասենյակի պատից կախված լուսանկարին, Թովմասյանը գոնե արտաքուստ ՍԴ նախագահ եղած ժամանակ անձի ֆետիշացմամբ չէր զբաղվում: Արձանագրենք նաեւ, որ իրավապահ համակարգի ոչ կուսակցական լինելու մասին մանիպուլյատիվ հայատարարություններով Փաշինյանը նորից ու նորից ստել է:


Կենտրոնական ընտրական հանձնաժողովի նորընտիր նախագահ Վահագն Հովակիմյանի ստացած իրավաբանի դիպլոմը բազմաթիվ հարցեր է առաջացնում: Կարծես թե այն ձեռական փաստաթուղթ է: Նրա կենսագրության մեջ նշված է, թե 2021թ. ավարտել է Երևանի Մովսես Խորենացու անվան համալսարանի իրավագիտության ֆակուլտետի բակալավրիատը և ունի իրավաբանի որակավորում, սակայն բացակայում է տեղեկությունը, թե որ թվականին է բուհ ընդունվել: «Ժողովուրդ» օրաթերթի հետ զրույցում Երևանի Մովսես Խորենացու անվան համալսարանի ռեկտոր Արթուր Աղաբաբյանը նշեց, թե «2017-2018 ուսումնական տարին է ընդունվել, տեղափոխվել է ԵՊՀ-ից, սովորել է հեռակա կարգով»: «Ժողովուրդ» օրաթերթը դիմեց նաև Վահագն Հովակիմյանի մամուլի խոսակցի Սեդա Ղուկասյանին: «Վահագն Հովակիմյանը 1996-2000 թվականներին սովորել է ԵՊՀ փիլիսոփայության, սոցիոլոգիայի, հոգեբանության և քաղաքացիության ֆակուլտետում: Ուսումնառությունը կիսատ է մնացել վերջին կիսամյակի վարձավճարի պատճառով: Հետագայում 2018 թվականին, ԵՊՀ-ից ակադեմիական թերթիկ է վերցրել, որտեղ արտացոլված են եղել իր առաջադիմության տվյալները, և ընդունվել է Մովսես Խորենացու անվան համալսարանի իրավագիտության ֆակուլտետ՝ հեռակա ուսուցմամբ: Հաջվի արձևով կիսատ մնացած ուսումնառությունը՝ տեղափոխվել է Երրորդ կուրս: Ուսումնառությունն ավարտել է 2021ին»: Այստեղ էլ մեկ այլ հարց է առաջանում. որքանով է ԵՊՀ-ում ստացած փիլիսոփայության, սոցիոլոգիայի, հոգեբանության և քաղաքացիության ֆակուլտետը համապատասխանում Մովսես Խորենացու համալսարանում իրավագիտության ֆակուլտետին, որտեղ էլ ավարտելով՝ ստացել է իրավաբանի որակավորումը: Իսկ եթե նա չի ավարտել Սոցիոլոգիայի բաժինը, ինչի էլ իր պաշտոնական կենսագրության մեջ նշել այդ մասնագիտության մասին: Սա պաշտոնական կեղծիք է: Ամեն դեպքում, խիստ կասկածահարույց է Վահագն Հովակիմյանի՝ իրավաբանի դիպլոմի ձեռք բերման գործընթացը, որով պետք է զբաղվի ՀՀ նորանշանակ գլխավոր դատախազ Աննա Վարդապետյանը: ➔ էջ 3



«Ժողովուրդ» օրաթերթի տեղեկությունների համաձայն՝ ՀՀ նախկին գլխավոր դատախազ Արթուր Դավթյանը մինչ օրս անգործ է: 2022 թվականի սեպտեմբերի 15-ին պաշտոնին հրաժեշտ տված նախկին գլխավոր դատախազը ոչնչով չի զբաղվում, իսկ թե ինչու, և ինչքան կտեւի այս պարապուրդ, դժվար է ասել: Իհարկե, տարբեր տեղեկություններ սպրդեցին նրա ու քաղաքական իշխանության հարաբերությունների, ձեռք բերված պայմանավորվածությունների մասին, սակայն վերջին պահին ամեն ինչ իրար է խառնվել: Կարելի է ասել, որ Արթուր Դավթյանի և քաղաքական իշխանությունների հարաբերություններն այդքան էլ լավ չեն. նրան դեռ որեւէ այլ աշխատանք կամ պաշտոն չեն առաջարկել: Ի դեպ, «Ժողովուրդ» օրաթերթը գրել էր, որ 2013 թվականի սեպտեմբերի 13-ին, երբ գլխավոր դատախազ Աղվան Հովսեփյանը հրաժեշտ տվեց պաշտոնին, բավականին սրտառուջ քայլ կատարեց՝ համբուրելով դատախազության դուռը, ձեռքերը միացրեց, ինչպես արդթքի ժամանակ, խոնարհվեց և հեռացավ դատախազությունից, սակայն Արթուր Դավթյանը հեռացավ առանց խոնարհվելու ու աղոթելու և հիմա էլ պարապուրդի մեջ է:



Հ հաշվեքննիչ պալատը ստուգումներ է իրականացրել էկոնոմիկայի նախարարությունում և մի շարք անհամապատասխանություններ հայտնաբերել: «Ժողովուրդ» օրաթերթին հայտնի դարձավ, որ նախարարությունը պետական աջակցության ծրագրով սուբսիդավորվող վարկերը նախատեսվածից բարձր տոկոսադրույթով է տրամադրել ֆերմերներին: Օրինակ՝ Հայաստանի էկոնոմիկայի նախարարությունը խաղողի, ժամանակակից տեխնոլոգիաներով մշակվող ինտենսիվ պտղատու այգիների և հատապտղանոցների հիմնման համար պետական աջակցության ծրագրով սուբսիդավորումը պետք է իրականացնել այնպիսի չափաքանակով, որ վարկերը շահառուներին տրամադրվեն 2 տոկոս տոկոսադրույթով, իսկ սահմանափակումները համայնքների տնտեսավարողներին և կոոպերատիվներին՝ 0 %, սակայն թվով 110 վարկերից 3-ի սուբսիդավորումն իրականացվել է այնպիսի չափաքանակով, որ վարկերը շահառուներին տրամադրվել են 5 տոկոս տոկոսադրույթով՝ նախատեսված 2 տոկոսի փոխարեն: «Ժողովուրդ» օրաթերթը տեղեկացավ, որ այս տարվա առաջին եռամսյակի ընթացքում նախարարությունում ներքին առողիտի համակարգը չի գործել: «Ներքին առողիտի մասին» ՀՀ օրենքի 5-րդ հոդվածի 3-րդ կետի համաձայն՝ հանրային հատվածի կազմակերպության ղեկավարը պետք է ապահովել կազմակերպությունում ներքին առողիտի համակարգի առկայությունը և գործունեությունը, որը, ըստ օրենքի 5-րդ հոդվածի 1-ին կետի 3-րդ ենթակետի, պետք է գործեր նախարարի ենթակայության ներքո: Ներքին առողիտի իրականացման ստորաբաժանում նախարարության կառուցվածքում, սակայն, չի ստեղծվել, իսկ «Ներքին առողիտի մասին» ՀՀ օրենքի 5-րդ հոդվածի 2-րդ կետով նախատեսված՝ ներքին առողիտը իրականացնելու համար իրավիճակը անձանց գնման ընթացակարգեր չի կազմակերպվել:



ՔԱՂԱՔԱԿԱՆ

ԱՆՊԱՇՏՊԱՆ ԵՐԿԻՆՔ

ԹԻՐԱԽՈՒՄ ՀՕՊ ՀԱՄԱԿԱՐԳՆ Է

44-օրյա ղախաբանի ընթացքում հասարակության կողմից ամենից հաճախ հնչող արահայտությունն «օղբ փակեմ» էր: Պաշտպանի ուղիղ երկու սարի անց, ցավոք, ակամեստեմ ենք, որ ոչ միայն Արցախի, այլ նաև Հայաստանի օղբ փակ չէ: Աղագույցը նաև վերջին սեղանների 13-ի ղախաբանական գործողություններն էին, ինչի ժամանակ հակառակորդը սարսեստակ գեների հեռ մեկեղ նորից անօդաչու բոչոկ սարքեր էր կիրառել: «Հեռակես» վերլուծական կենտրոնի ղեկավար, ռազմական փորձագետ Վիսալի Մանգասարյանի փոխանցմամբ՝ հայտնի չէ՝ ղախաբանից հետո 2 սարվա ընթացքում Պաշտպանության նախարարությունը հակաօդային ղախաբանության որոնում ինչ ֆայթեր է իրականացրել: Վերջին գործողությունը, ինչի մասին հասարակությանը տեղեկացվել է, «Մի-8» ուղղաթիռների ձեռքբերումն է, ինչը հակաօդային ղախաբանության սրամաբանության մեջ դիտարկել չի կարելի: Փորձագետի փոխանցմամբ՝ սեղանների 13-ի էսկադրայի ժամանակ անգամ հակառակորդը մեր հակաօդային ղախաբանության (ՀՕՊ) համակարգերը թիրախավորել ու որոնակի հաջողությունների է հասել: Մանգասարյանը մեկ այլ կարեւոր հանգամանքի վրա է ուշադրություն հրավիրում. «Շատ լուրջ դեպք է ուսումնասիրենք ու ուշադրություն դարձնենք այն հանգամանքի վրա, թե ինչու են մեր ՀՕՊ համակարգերն այդքան մոտ զսնվում Եփրատի կամ Բնակավայրերին: Եթե նախկինում ՀՕՊ-ը, ղայմանական աստեմ, Գործում էր տեղադրված, աղա դա հնարավորություն էր սախա, որ Արցախի հովիտի որոնակի հեռավորության վրա խնդիր կարողանայինք լուծել, բայց եթե սահմանն արդեն Գործա ֆաղաք է հասել, ու թեմամին մի ֆանի կիրմների վրա է զսնվում, աղա ռազմական տեսակետից բնակավայրին մոտ ՀՕՊ համակարգ տեղադրվելը ճիշտ չէ»:



ընթացքում հակառակորդը նախ փորձում է, այսպես ասած, օղբ մաքրել ու արդեն ավիացիա կիրառելու համար նպաստավոր պայմաններ ստեղծել: Մանգասարյանի հետ նաև պաշտպանության նախարար Սուրեն Պապիկյանի կողմից հանրայնացրած, բայց այդպես էլ կայանքի չկող գաղափարի՝ 3-ամսյա վարժանքները 25-օրյայով փոխելու մասին խոսեցինք: Պապիկյանի ներկայացրած գաղափարն, ասում է փորձագետը, խնդրահարույց է, ու ո՞րն է նման առաջարկ հրապարակ բերելու նպատակը: «Մեր առջեւ ինչ նպատակ ենք դնում. որ պահեստազորայիններին վարժեցնենք ու նրանք Նորանոր հմտություններ ձեռք բերեն: Եթե դա է, ապա ինչու պետք է պարտադիր մարտական պատրաստվածություն անցնեն, այն էլ՝ 14 օր»,- բարձրաձայնում է մեր զրուցակիցը:

Ինչ վերաբերում է դեռևս միտաբանական չստացած նախագծին, որ, ըստ Պապիկյանի, հնարավորություն է տալու, որ քաղաքացին ինքը կորոշի՝ երբ, տարվա որ ժամանակահատվածում վարժանքի մեկնի, ապա մեր զրուցակիցը Նորից է հարց բարձրացնում՝ ինչպե՞ս է հարցը կարգավորվելու, եթե, օրինակ, պահեստազորայինների մեծ մասը որոշի օգոստոս ամսին վարժանքի մեկնել: Եռամսյա հավաքների ժամկետը կրճատելու ու դրանք էլ ավելի արդյունավետ դարձնելու մասին գործադիր դեռևս միայն հայտարարել է: Դա հավաստող օրենսդրական նախագիծ մինչև այս պահը չի շրջանառվել: Պաշտպանության նախարարության ու կառավարության պաշտոնական կայքէջերում եռամսյա վարժանքները 25-օրյայի վերածելու մասին որեւէ տեղեկություն, առավել էս՝ նախագիծ ու օրենսդրական փաթեթ չկա: **ՍԵՎԱԿ ԿԱՐՊՈՍՅԱՆ**



ԳԻՏՈՐԴԱԿԱՆ ԱՌԱՔԵԼՈՒԹՅՈՒՆ

Եվրամիության դիտորդական առաքելությունը Հայաստանի սահմաններին մշտադիտարկումը կիրականացնի հիմնականում ճանապարհային պարեկների եւ հսկող սարքավորումների միջոցով, եւ դիտորդական խումբը կենթարկվի Բրյուսելի կենտրոնականին, այլ ոչ թե կողմերին. ադրբեջանական «Թուրան» գործակալության հետ զրույցում ասել է Հարավային Կովկասում Եվրամիության հատուկ ներկայացուցիչ Տոյվո Կլաարը: Հարցին, թե արդյոք արդյունքները կարող են օգտակար լինել, եթե մշտադիտարկումն անցկացվում է միայն հայկական կողմում, Եվրամիության պաշտոնյան հիշեցրել է, որ նախագահ Ալիեւը «հստակ հասկացնել է տվել, որ Բաքուն համաձայն է այդ առաքելության հետ համագործակցել այնքանով, որքանովի առնչվում է իրեն»:

«Մենք ակնկալում ենք, որ ադրբեջանական կողմը կհամագործակցի առաքելության հետ տեղում համապատասխան դերակատարների միջեւ կանոնավոր շփումների միջոցով, առանց ադրբեջանական կողմում առաքելության անդամների ֆիզիկական ներկայության: Հուսով ենք, որ այս առաքելությունը կծառայի նաև կողմերի միջեւ վստահության ձեւավորմանը», - հավելել է Կլաարը:

«Այժմ կարելի է վերջնականապես շրջել թշնամության էջը, խուսափել նախկին սխալներից եւ դրական հռետորաբանությունն ապահովել կողմերի միջեւ՝ հանուն խաղաղ ապագայի», - հայտարարել է դիվանագետը՝ վստահեցնելով, որ այդ ուղղությամբ ԵՄ-ն շարունակում է լուրջ փոխգործակցությունը երկու կողմերի հետ:

«ԼՈՒՐ» ՀԱՋՈՂՈՒԹՅՈՒՆՆԵՐ»

Երեւանում տեղի ունեցող Եվրասիական միջկառավարական խորհրդի նիստի ընդլայնված կազմով հանդիպմանը Հայաստանի վարչապետը խոսել է «լուրջ հաջողությունների» մասին եւ վիճակագրություն հրապարակել: Նիկոլ Փաշինյանի փոխանցմամբ՝ այս տարի՝ հունվարից մինչեւ օգոստոս ընկած ժամանակահատվածում, Հայաստանի ապրանքաշրջանառությունը ԵԱՏՄ մյուս երկրների միջեւ կազմել է 2.8 միլիարդ դոլար, ինչը 74 տոկոսով ավելի է, քան նախորդ տարվա նույն ժամանակաշրջանի ցուցանիշը: «ԵԱՏՄ-ի կայացման գործընթացում մենք լուրջ հաջողությունների ենք հասել: Ստեղծվել է տարրողունակ ընդհանուր շուկա, նկատելիորեն աճել են փոխադարձ առևտրի ցուցանիշները», - հավելել է Հայաստանի վարչապետը եւ ընդգծել՝ Հայաստանից արտահանումը ավելացել է 2 անգամ, իսկ ներկրումը՝ 58 տոկոսով: Վարչապետ Փաշինյանն իր ելույթը ամփոփել է՝ վերահաստատելով հայկական կողմի պատրաստակամությունը՝ ակտիվորեն համագործակցելու Միության անդամ բոլոր պետությունների հետ՝ ի շահ եվրասիական ինտեգրման առաջնության:

ԱՌԱՋԻՆ ՈՐԴԵՎՈՐԸ

ՀԱՅ ՀԱՄԱՐԱԿՈՒԹՅՈՒՆԵՐ ԶԻ ԱՐՉԱԳԱՆՔԵԼ

Ադրբեջանի ու Թուրքիայի նախագահները երեկ՝ հոկտեմբերի 20-ին, Կովսականում միջազգային օդանավակայանի կարմիր ժաղպեներ են կրել: ArmLur.am-ը գրել էր, որ հայկական Կովսականում բացված օդանավակայանի առաջին ուղևորը լինելու ղախիվը Թուրքիայի նախագահ Ալեքսեյ Թայիպ Էրդողանին է եղել: Իրողությանը հայ հասարակությունը որեւէ կերպ չի արձագանքել՝ ոչ դրական, ոչ բացասական: Իրականությունը, սակայն, այն է, որ 2020-ի Նոյեմբերի 9-ի եռակողմ հայտարարությամբ ոչ միայն Կովսականը (Ջանգելան), այլ նաև Սա-

նասարն (Կուբաթլու) Ադրբեջանի վերահսկողության տակ չպետք է անցնեն: Այդ մասին հայտարարության մեջ որեւէ կետ չկա: Այս մասին դեռևս նախորդ տարվա՝ 2021-ի օգոստոսի 24-ին՝ Ազգային ժողով-կառավարություն հարցուպատասխանի ժամանակ, «Հայաստան» խմբակցության պատգամավոր Աննա Գրիգորյանն էր բարձրաձայնել ու հարց ուղղել վարչապետ Նիկոլ Փաշինյանին, թե այդ ինչ գաղտնի փաստաթղթի հիման վրա են հայկական զորքերը ոչ միայն Կովսականից ու Սանասարից, այլ նաև Գորիս-Կապան ավտոճանապարհի մի հատվածից (21 կմ-ից) հետ քաշվել: Ի պատասխան՝ վարչապետ Փաշինյանն

ասել էր, որ, այդ, ադրբեջանական կողմի հետ այդ մասով բանավոր պայմանավորվածություն են ունեցել: Այսօր արդեն ակնատես ենք լինում, որ Արցախի Հանրապետության՝ իր վերահսկողության տակ անցած տարածքներում, որոնց մի մասի նկատմամբ, ի դեպ, Նոյեմբերի 9-ի հայտարարությամբ պաշտոնական Բաքուն վերահսկողություն չպետք է ունենար, Ադրբեջանը լայնածավալ շինարարություն է իրականացնում՝ շահագործման ավտոճանապարհներ, երկաթգիծ, թունելներ, կամուրջներ ու օդանավակայաններ հանձնելով: **Ս. ԿԱՐՊՈՍՅԱՆ**

ԻՐԱՎԻՃԱԿ

ԿԱՍԿԱԾԱՅԱՐՈՒՅՑ

ՎԱՀԱԳՆ ՀՈՎԱԿԻՄՅԱՆԻ ԻՐԱՎԱԲԱՆԻ ԴԻՊԼՈՄԸ



Կենսոնական ընտանիքի հանձնաժողովի նորընթաց նախագահ Վահագն Հովակիմյանի ստացած իրավաբանի դիպլոմը բազմաթիվ հարցեր է առաջացնում: Մասնավորապես, որդեսուքը զուգահեռաբար խորհրդարանի դասգամավորի նրա ներկայացրած կենսագրության մեջ, որը հրատարակված է Ազգային ժողովի դատաբանական կայքում, նշված է, թե նա 2021 թ. ավարտել է Երևանի Մովսես Խորենացու անվան համալսարանի իրավագիտության ֆակուլտետի բակալավրիատը և ունի իրավաբանի որակավորում, սակայն բացակայում է սեղեկությունը, թե որ թվականին է բուհ ընդունվել: Մա ինքնին ենթադրում է, որ նա 2018 թվականին, երբ խորհրդարանական արտահերթ ընտրություններից հետո ընտրվել էր դասգամավոր, արդեն սովորում էր վերոնշյալ համալսարանում: Նախկինում նրա ներկայացրած կենսագրության մեջ բացակայում է ուսանող լինելու մասին որևէ սեղեկություն: Այդ կենսագրության մեջ միայն նշված են սեղեկությունները նախորդ կրթության մասին: Այս խորհրդավորությունը «Ժողովուրդ» օրաթերթի մոտ հարցեր է առաջացրել, և մենք գրուցեցինք Երևանի Մովսես Խորենացու անվան համալսարանի ռեկտոր Արթուր Աղաբաբյանին հետ:

Նա երբեք դասի չի գնացել, ստուգարքի, քննության չի մասնակցել: «Ժողովուրդ» օրաթերթը, ամեն դեպքում, դիմեց Վահագն Հովակիմյանի մամուլի խոսակցի Արթուր Աղաբաբյանին՝ հարցնելով, թե որ թվականին է ընդունվել, ինչպես է ավարտել Իրավաբանության ֆակուլտետը, ամենակարևորը՝ ինչու նախորդ կենսագրությունների մեջ երբեք էլ նշված չի եղել, որ նա սովորում է: Խոսակցը պատասխանել է. «Վահագն Հովակիմյանը 1996-2000 թվականներին սովորել է ԵՊՀ փիլիսոփայության, սոցիոլոգիայի, հոգեբանության և քաղաքագիտության ֆակուլտետում: Ուսումնառությունը կիսատ է մնացել վերջին կիսամյակի վարձավճարի պատճառով: Հետագայում՝ 2018 թվականին, ԵՊՀ-ից ակադեմիական թերթիկ է վերցրել, որտեղ արտացոլված են եղել իր առաջադիմության տվյալները, և ընդունվել է Մովսես Խորենացու անվան համալսարանի իրավագիտության ֆակուլտետ՝ հեռակա ուսուցմամբ: Հաջվի առնելով կիսատ մնացած ուսումնառությունը՝ տեղափոխվել է Երրորդ կուրս: Ուսումնառությունն ավարտել է 2021-ին»:

Այստեղ էլ մեկ այլ հարց է առաջանում. որքանով է ԵՊՀ-ում ստացած փիլիսոփայության, սոցիոլոգիայի, հոգեբանության և քաղաքագիտության ֆակուլտետը համապատասխանում Մովսես Խորենացու համալսարանում իրավագիտության ֆակուլտետին՝ իբրև մասնագիտության, որտեղ էլ ավարտելով պատգամավորը ստացել է իրավաբանի որակավորում: Եթե նա չի ավարտել ԵՊՀ փիլիսոփայության, սոցիոլոգիայի, հոգեբանության և քաղաքագիտության ֆակուլտետը, ինչո՞ւ է իր պաշտոնական կենսագրության մեջ նշել այդ մասնագիտության մասին՝ ֆիքսելով, որ 1996-2000թթ ավարտել է ԵՊՀ-ն: Սա պաշտոնական կեղծիք է: Ամեն դեպքում, խիստ կասկածահարույց է Վահագն Հովակիմյանի իրավագիտական կրթությունը, ստացած իրավաբանի դիպլոմի ձեռք բերման գործընթացը, որով պետք է զբաղվի ՀՀ նորանշանակ գլխավոր դատախազ Աննա Վարդապետյանը: Սեզ մոտ տպավորություն է, որ ձեռնարկի դիպլոմ է ձեռք բերել իշխանական պատգամավորը:

ՆԱԽՈՒ ՀՈՎԱԿԻՄՅԱՆ

ՀԱՆԳԻՊՄԱՆ ԱՐԳՅՈՒՆՔՆԵՐ

Զինծառայողների սոցիալական ապահովության ոլորտում համագործակցության շրջանակում հոկտեմբերի 19-20-ը Հայաստան էր այցելել Կրաստանի ՊՆ սոցիալական հարցերի և հոգեբանական աջակցության վարչության պատվիրակությունը:

Ինչպես հայտնում են Պաշտպանության նախարարությունից, պատվիրակության ընդունել է ՀՀ ՊՆ զինծառայողների սոցիալական պաշտպանության վարչության պետ Ալեքսանդր Ավետիսյանը: Գործընկերներին է ներկայացվել ՀՀ օրենսդրությամբ զինծառայողների և նրանց ընտանիքների համար սահմանված արտոնությունների ու երաշխիքների համակարգը, այդ ուղղությամբ պետության կողմից իրականացվող ծրագրերը, քննարկվել են զինծառայողների սոցիալական պաշտպանությանն առնչվող այլ հարցեր:

Հանդիպման արդյունքներով պայմանավորվածություններ են ձեռք բերվել փոխադարձ հետաքրքրություն ներկայացնող ուղղություններով հետագա համագործակցության վերաբերյալ:

Կրաստանի ՊՆ սոցիալական հարցերի և հոգեբանական աջակցության վարչության պատվիրակությունը հանդիպումներ է անցկացրել նաև Զինծառայողների ապահովագրության հիմնադրամում և ՀՀ աշխատանքի և սոցիալական հարցերի նախարարությունում:

ՕԳՆԱԿԱՆԸ ԿԱԼԱՆԱՎՈՐՎԵՑ

Երեկ հայտնի դարձավ, որ դատարանը կալանավորել է նաև դատավոր Արուսյակ Ալեքսանյանի օգնականին:

Հիշեցնենք, որ ArmLur.am-ը գրել էր, որ իրավապահների տեսադաշտում է հայտնվել նաև դատավոր Արուսյակ Ալեքսանյանի օգնականը: Հայտնել էինք, որ նա ձերբակալվել է:

Նշենք, որ ադմինիստրացիայի այս գործով կալանավորված են նաև դատավոր Արուսյակ Ալեքսանյանի ու փաստաբան Էրիկ Ալեքսանյանը: Արուսյակ Ալեքսանյանի օգնականի փաստաբան Գարիկ Գալիկյանը խորը ցավից հայտնեց, որ կալանավորվածը 22-ամյա աղջիկ է, ինչի համար ինքը ցավում է: Ի դեպ, երիտասարդ օգնականին կալանքի տարած դատավորը թմբուկ անվանմամբ հայտնի Դավիթ Արղամանյանն է:

Ո՞վ է նա: 2018 թվականի նոյեմբերի 24-ին, երբ Նիկոլ Փաշինյանը նախընտրական երթ էր անում Երեւանում, Արղամանյանը, ոչ ավել, ոչ պակաս, հայտնի «ղըմփ զըմփ հու»-ի թմբուկն էր գարկում: Դրանից հետո նշանակվեց ՀՀ տարածքային կառավարման և ենթակառուցվածքների նախարարի օգնական: 2021 թվականին էլ նշանակեցին մինչդատական քրեական վարույթով դատավոր:

ՕՐՎԱ ԽՃԱՆԿԱՐ

ՕԳՆՈՒԹՅՈՒՆՆԵՐԻ ՄՅՈՒՆԻՔԻՆ

Սյունիքի մարզպետ Ռոբերտ Ղուկասյանն աշխատանքային այցով գտնվում է Ֆրանսիայի Հանրապետությունում: Ֆրանսիայի Օվերնյ Ռոն Ալպ նահանգի շրջանային խորհուրդը լիազուրկ նիստի ընթացքում կայացած քվեարկությամբ հաստատել է Սյունիքի մարզին 300 000 եվրո հատկացնելու նախագիծը:

ԱՆՎՏԱՆԳՈՒԹՅԱՆ ՀԱՐՑ

«Իրանը Հայաստանի և տարածաշրջանի անվտանգությունը համարում է իր անվտանգությունը, և Կապանում Իրանի

գլխավոր հյուպատոսություն հիմնելու Իրանի կառավարության որոշումն այն կարեւորության դրսևորումն է, որ ԻԻՀ-ն տալիս է հայ ժողովրդի հետ հազարամյա հարաբերություններին», - ասաց Իրանի ԱԳ նախարար Հոսեյն Ամիր Աբդոլլահիանը հոկտեմբերի 21-ին Կապանում գլխավոր հյուպատոսության բացման արարողությանն իր ելույթում:

ԿՆՔՎԵԼ Ե ՀԱՄԱՁԱՅՆԱԳԻՐ

ՀՀ ԿԳՄՍ նախարար Վահրամ Դումանյանի հրավերով հոկտեմբերի 17-21-ը պաշտոնական այցով Հայաստանի Հանրապետություն է այցելել Արաբական Միացյալ Էմիրությունների պատվիրակությունը՝ Շարժայի ժառանգության ինստի-

տուտի նախագահ Ն. Գ. դոկտոր Աբդ Ալ-Ազիզ Ալ-Մուսալլամի գլխավորությամբ: Ինչպես «Արմենպրես»-ին հայտնում են ՀՀ-ում ԱՄԷ դեսպանությունից, պատվիրակության կազմում են Շարժայի ժառանգության ինստիտուտի միջազգային կապերի տնօրեն Ահմադ Ալ-Դահիդ և միջազգային կապերի տնօրենի տեղակալ Սեյֆ Ալ-Հաջրին:

Այցի ընթացքում ԱՄԷ պատվիրակության ընդունել է ԿԳՄՍ նախարար Վահրամ Դումանյանի ընդգծելով երկու ժողովուրդների միջև առկա ամուր բարեկամական կապերը: Նաև շնորհակալություն է հայտնել այս տարի «Շարժայի ժառանգության օրեր» ամենամյա փառատոնին Հայաստանը որպես պատվավոր հյուր ընդունելու կապակցությամբ: Այցի ընթացքում հայկական կողմի հետ կնքվել է 2 համաձայնագիր:

ՀԱՍԱՐԱԿՈՒԹՅՈՒՆ

ՄԱՐԶ

ՎԱՆՔԵՐԸ ԲԱՆԴՎՈՒՄ ԵՆ

Պետական բյուջեի ֆինանսավորմամբ՝ ԿԳՄՍ նախարարության եւ այդ նախարարության պատմության եւ մշակույթի հուշարձանների պահպանության վարչության պատվիրատվությամբ ներկայումս Տավուշի մարզի տարածքում վերանորոգվում են մի քանի պատմամշակութային հուշարձաններ: Դիլիջան քաղաքի կենտրոնում ընթացքի մեջ է Հրեմիանոս Ծարամբեյանի անվան ժողովրդական արվեստի թանգարանի մասնաճյուղի շենքի հիմնանորոգումը: Այդ շենքը կառուցվել է 19-րդ դարի վերջին, այն ժամանակին հյուրընկալել է հայոց մշակույթի անվանի գործիչներին: Դիլիջանի թանգարանի շենքի հիմնանորոգումը նախատեսվում է ավարտել 2024 թվականին: Ավարտին են մոտենում այդ կառույցի հողային հիմքերի ուժեղացման եւ նոր պատերի կառուցման աշխատանքները: Թանգարանի շենքի հիմնանորոգումն իրականացող վարպետներին հարցրի՝ նախատեսվում է արդյոք վերականգնել թանգարանի՝ փողոցի վրա գտնված փայտե բաց, գեղեցիկ պատշգամբը, որը փողոցով երթեւելող բեռնատարի հարվածից քանդվել է 2019 թվականի հունիսի սկզբին: Վարպետներն ասացին, որ թանգարանի հիմնանորոգման ծրագրի շրջանակներում կառույցի բաց պատշգամբը վերականգնելու են:

Ավարտվել են Գոշավանք վանական համալիրի մեջ մտնող Սուրբ Աստվածածին եկեղեցու տանիքի ծածկերի վերանորոգման աշխատանքները: Լոռու մարզի տարածքում գտնվող Սանահին վանական համալիրի Սուրբ Ամենափրկիչ եկեղեցում են նորոգման աշխատանքներ են իրականացվել: Սանահին եւ Գոշավանք վանական համալիրները գտնվում են Հայ առաքելական եկեղեցու(ՀԱԵ) հաշվեկշռում: ՀԱԵ-ն սիյուռքի եւ Հայաստանի հայ բարեգործներից պարբերաբար ֆինանսական մեծ նվիրատվություններ է ստանում, նաեւ մեծ հատույթներ է ունենում Գոշավանքում, Սանահին վանական համալիրում կրոնական գրքերի, մուրերի, հոգեւոր պարագաների վաճառքից, ՀԱԵ-ն ի վիճակի էր իր ֆինանսական միջոցներով վերանորոգելու այդ վանական համալիրները:

Տավուշի մարզի անտառներում գտնվող հնամենի վանքերը՝ Կ ի ռանցը, Առաքելոցը, Ջուխտակ վանքը, Սրվելի վանքը, Մշկավանքը եւ այլ հին վանքեր տասնամյակների ընթացքում քանդվում են, դրանց նորոգման համար տասնամյակներ շարունակ պետական բյուջեից ֆինանսավորում չի իրականացվում: Պետական բյուջեի գումարները պետք էր առաջնահերթ ուղղել մեր պատմության այդ արժեքավոր հուշարձանները փրկելու, նորոգելու, ոչ թե Հայ առաքելական եկեղեցու հաշվակշռում գտնվող, եկեղեցու կողմից օգտագործվող վանքերը վերանորոգելու նպատակով:

ՆՍԿԱՆ ՍԱՐԳՅԱՆ
Տավուշ

ՆՈՐ ՎԱՐՈՒՅՑ

ՔԱՂԱՔԱՊԵՏԱՐԱՆԸ՝ ԹԻՐԱԽՈՒՄ

Երեւանի ֆաղափառագրության աշխատանքը վերջին երջանում դարբերաբար հայտնվում է Մրցակցության դաշտում: Թե ինչու է Գեղամ Գետրոյանը հիմա սկսել «հեմաբրեյել» ֆաղափառագրության գործընթացը, քերես զանգինի չէ: Երեւանի փոխադրագրու Տիգրան Ավինյանը Գեղամ Գետրոյանի մեղքն է, եւ իր ղեկավարած հանձնաժողովն արդեն թվով երկուրդ վարույթն է հարուցել ֆաղափառագրության նկատմամբ: Ավինյան, ArmLur.am-ը սեղեկացավ, որ Մրցակցության դաշտում կառուցված հանձնաժողովի նախագահ Գեղամ Գետրոյանը հոկտեմբերի 11-ի որոշմամբ նախագրուացում է սվել Երեւանի ֆաղափառագրության: Իսկ ինչու՞ էր ֆաղափառագրագրությանը զայրացել հանձնաժողովին:

ArmLur.am-ը գրել էր, որ քաղաքապետարանից պահանջվել էր ներկայացնել ֆիզիկական կամ իրավաբանական անձանց կողմից ինքնակամ կառույցների օրինականացման դիմումների վերաբերյալ տեղեկատվություն, «Քաղաքաշինություն» ընկերության եւ քաղաքապետարանի միջեւ կնքված բոլոր գործող պայմանագրերի պատճենները: Բացի այս, քաղաքապետարանը պետք է հանձնաժողովին ներկայացնել նաեւ Երեւանի քաղաքապետարանի կողմից «Քաղաքաշինություն» ՓԲԸ-ին 2018 թվականի հունվարի 1-ից մինչ օրս տրամադրված ֆինանսավորումների եւ կատարողականների վերաբերյալ տեղեկատվություն: Այս տվյալները փոխանցելու համար քաղաքապետարանին տրվել էր ժամանակ՝ 5 աշխատանքային օր, սակայն քաղաքապետարանը պահանջված տեղեկատվությունը չի ներկայացրել սահմանված ժամկետում: Ըստ հանձնաժողովի՝ քաղաքապետարանի վարչապետն առերևույթ պարունակել է պետական մարմնի պարտականության խախտման հատկանիշներ,



այդ իսկ պատճառով հոկտեմբերի 11-ի որոշմամբ Գեղամ Գետրոյանը նախագրուացում է տվել քաղաքապետարանին, ավելին՝ քաղաքապետարանին հանձնարարել է երեք աշխատանքային օրվա ընթացքում հանձնաժողով ներկայացնել պահանջված տեղեկատվությունը: Իսկ եթե այս հանձնարարությունները սահմանված ժամանակահատվածում չկատարվեն, ապա ենթակա են հարկադիր կատարման՝ «Դատական ակտերի հարկադիր կատարման մասին» օրենքով սահմանված կարգով:

Բացի այս, օրեր առաջ հայտնի դարձավ, որ Մրցակցության պաշտպանության հանձնաժողովը եւ մեկ վարույթ է հարուցել քաղաքապետարանի նկատմամբ: Այս անգամ պատճառն ավտոբուսներն են: Ըստ հանձնաժողովի՝ 2021 եւ 2022 թվականների ընթացքում ավտոբուսների ձեռքբերման նպատակով կազմակերպված գնման ընթացակարգերի հրավերների տեխնիկական բնութագրերով առերևույթ սահմանվել են այնպիսի

պահանջներ, որոնց առկայությունը հանգեցրել է կամ կարող է հանգեցնել գնման ընթացակարգերի հնարավոր մասնակիցների համար անհավասար պայմանների ստեղծմանը եւ տնտեսական մրցակցության սահմանափակմանը: Բացի այս, արձանագրվել է տեխնիկական բնութագրերով սահմանված չափորոշիչների՝ միայն կրկնված մեկ սուբյեկտի կողմից արտադրվող փոխարկարկիչների չափորոշիչներին համապատասխանելու հավանականությունը, ինչը կարող է վկայել այլ տնտեսավարող սուբյեկտների հետ համաձայնության ձեռքբերման հնարավորության մասին:

Բայց նկատել, որ այս ստուգումներով ինչ էլ պարզվի, վերաբերելու է նախկին քաղաքապետ Հայկ Մարությանին. չէ՞ որ ինքնակամ շինություններն ապամոտաժողը եւ նոր ավտոբուսներ ձեռք բերողը նախկին քաղաքապետ Հայկ Մարությանն էր, ու եթե չարաշահումներ լինեն, նրա պաշտոնավարման են վերաբերելու:

ՆՅՈՒՆ ԴԱՍԱՐՈՇՈՒՅԱՆ

ՎԵՐԻՆԻ ԾԻՆՈՒԹՅՈՒՆՆԵՐ

ՀՀ ԿԳՄՍ նախարարության դասնորշ կանոնների հուշարձանների դաշտում կառույցները եւ «Պասնամակուրային հուշարձանների արգելոց-քանգարանների եւ դասնական միջավայրի դաշտում կառույցների ծառայություն» ՊՄՄԿ-ի աշխատակիցներն առանցից են մի քանի հուշարձանների եւ դրանց դաշտում կառույցների գոտիներում առորինի սեղանաբանները մոտակենց, խաչքարերը եւ նոր կառուցված շինությունները:

ԿԳՄՍ նախարարությունից հայտնում են, որ բազմաթիվ են դեպքերը, երբ պատմության եւ մշակույթի հուշարձանների տարածքներում ու դրանց պահպանական գոտիներում, խախտելով ոլորտի օրենսդրությունը, տեղադրվում են նոր խաչքարեր, մետաղական խաչեր կամ նոր կառույցներ, որոնք ոչ միայն խաթարում են հուշարձանի պատմական միջավայրն ու տեսքը, այլեւ մեծ վնաս են հասցնում հուշարձաններին:

Կարեւորելով խնդրի կարգավորումը՝ ՀՀ ԿԳՄՍ նախարարության համապատասխան ստորաբաժանումներն ապօրինի շինությունների հեռացման ուղղությամբ հետեւողական աշխատանքներ են իրականացնում՝ դրանցում ներգրավելով նաեւ

ապօրինի շինություններ տեղադրած ֆիզիկական կամ իրավաբանական անձանց, հուշարձանների սեփականատերերին կամ օգտագործողներին:

Ընթացիկ տարում ՀՀ ԿԳՄՍ նախարարության պատմության եւ մշակույթի հուշարձանների պահպանության վարչության եւ «Պատմամշակութային արգելոց-քանգարանների եւ պատմական միջավայրի պահպանության ծառայություն» ՊՄՄԿ-ի աշխատակիցների նախաձեռնությամբ են մասնակցությամբ հեռացվել են ՀՀ Արարատի մարզի Աղջոց եւ Հավուց թառ («Խոսրովի անտառ պետական արգելոց»), Կոտայքի մարզի Թեղեկայաց, Տավուշի մարզի Խորանաշատ վանական համալիրների տարածքների մետաղական խաչերն ու խաչքարերը, Ծաղկաձոր համայնքի Կեչառիս վանական համալիրի տարածքում կառուցված կաթսայատունը եւ այլն:

Համաձայն «Պատմության եւ մշակույթի անշարժ հուշարձանների ու պատմական միջավայրի պահպանության եւ օգտագործման մասին» ՀՀ օրենքի 45-րդ հոդվածի՝ «Հուշարձաններին կամ դրանց պահպանական գոտիներին վնաս պատճառած իրավաբանական եւ ֆիզիկական անձինք պարտավոր են վերականգնել դրանց նախկին վիճակը, իսկ վերականգ-

նելու անհնարինության դեպքում հատուցել պատճառած վնասները՝ ՀՀ օրենսդրությամբ սահմանված կարգով»: Վերջիններիս ներկայացվում է օրենսդրության պահանջը՝ առաջարկելով անվնաս հեռացնել նոր տեղադրված օբյեկտները կամ տեղափոխել այլ վայր: Հուշարձանների տարածքներում եւ դրանց պահպանման գոտիներում նոր տեղադրած կառույցների հեղինակների չքացահայտելու դեպքում լիազոր մարմինն իր միջոցներով հեռացնում է ապօրինի տեղադրված կառույցները:

ՀՀ ԿԳՄՍ նախարարությունը կոչ է անում եւ հորդորում ձեռնպահ մնալ հուշարձանների տարածքներում կամ դրանց պահպանական գոտիներում ապօրինի գործողություններ կատարելուց (սոր խաչքարերի, խաչերի, նորակառույց շինությունների տեղադրում, առանց լիազոր մարմնի հետ համաձայնեցնելու հուշարձանների ամրակայման, նորոգման եւ վերականգնման աշխատանքների իրականացում, գանձագողություն), իսկ նման օրինախախտումներ նկատելու դեպքում ահազանգել լիազոր մարմին:

Հուշարձանների տարածքներից ապօրինի տեղադրված կառույցների հեռացման աշխատանքները լինելու են շարունակական:

● Անցած 1 օրվա ընթացքում Հայաստանի Հանրապետությունում արձանագրվել է 14 ՃՏՊ. 3 մարդ զոհվել է, 14-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ԾՐԱԳՐԻ ԸՆԹԱՅՔ

Սուբվեցինոն աշխատանքների մշտադիտարկման աշխատանքային խմբի անդամներն այցելել են ԱՆԻ համայնքի Շիրակական բնակավայր՝ հետեւելու ընթացքի մեջ գտնվող ԱՆԻ համայնքի Շիրակական բնակավայրում տնամերձ հողամասերի ոռոգման փակ համակարգի կառուցման սուբվեցինոն ծրագրի ընթացքին: Շիրակի մարզպետարանից հայտնում են, որ ծրագրի ընդհանուր արժեքը 128 մլն 348 հազար դրամ է, գումարի 70 տոկոսը կառավարությունն է տալիս: Աշխատանքների արդյունքում նախատեսվում է ոռոգել մոտ 60 հա, ոռոգման ցանցի երկարությունը 4,57 կմ է, ծրագրից օգտվելու է շուրջ 215 տնտեսություն:

ՏԱՐԲԵՐ ՆԱԽԱԳԾԵՐ

Մայրաքաղաքի հնավայրերի պահպանման ու հանրահռչակման նպատակով համայնքը միջազգային ու տեղական գործընկերների հետ տարբեր նախագծեր է իրականացնում: Քաղաքապետարանից հայտնում են, որ Երեւանի հազարամյակների պատմությունը վկայող Ուրարտական ժամանակաշրջանում կառուցված Կարմիր բլուրում եւս մի շարք ծրագրեր են մեկնարկել: Հնավայր այցելած Երեւանի քաղաքապետի տեղակալ Տիգրան Ավինյանը նախաձեռնություններին ծանոթանում է տեղում: Շուրջ մեկ ամիս է՝ «Կարմիր բլուր»-ում մեկնարկել են հայ-ավստրիական հնագիտական արշավախմբի պեղումները: Բացի այդ, մեկ այլ ծրագիր է իրականացվում ֆրանսիացի գործընկերների հետ, որը թույլ կտա ճիշտ նույն տեխնոլոգիայով վերականգնել Երեւանի հնավայրերը, մեկնարկը կտրվի «Կարմիր բլուրից»: «Այսօր «Կարմիր բլուրը» նոր շունչ է առնում, վերակենդանանում է, մարդիկ գալիս են ընտանիքներով, այցելուների հոսքն է շատացել: Եթե լավ մարկետինգ անենք, ինքը աշխարհի եզակի հուշարձաններից մեկն է», - ասել է «Էրեբունի» պատմահնագիտական արգելոց-թանգարանի տնօրեն Միքայել Բադալյանը:

ԽԱՆՏՈՒՄՆԵՐ ԵՆ ՀԱՅՏՆԱԲԵՐՎԵԼ

«Սննդամթերքի անվտանգության մասին» օրենքի համաձայն՝ «անվտանգ սննդամթերքը» պետք է պահպանի մակնշման մեջ ներկայացված իր սպառողական հատկությունները, իսկ ժամկետի լրանալուն պես սննդամթերքը համարվում է վտանգավոր եւ պիտանի չէ ըստ նպատակային նշանակության օգտագործման համար: Քաղաքապետարանից հայտնում են, որ վտանգավոր սննդամթերքն իր հերթին ենթակա է հետկանչի՝ սահմանված կարգով օգտահանելու կամ ոչնչացնելու համար, սակայն որոշ տնտեսավարողներ, անտեսելով օրենքը, շարունակում են վաճառել առանց պիտանիության ժամկետի մակնշման կամ պիտանիության ժամկետը լրացած ապրանքներ: Այս մասին հայտնում են Երեւանի քաղաքապետարանից: Երեւանի քաղաքապետարանի աշխատակազմի առեւտրի եւ ծառայությունների վարչության աշխատակիցների հետեւողական աշխատանքների շնորհիվ երեք տնտեսավարողների մոտ խախտումներ են արձանագրվել սննդի անվտանգության ոլորտում: Հայտնաբերվել են բազմաթիվ ժամկետանց, պիտանիությունը կորցրած եւ բորբոսապատ մթերքներ: Կազմվել են վարչական իրավախախտումների վերաբերյալ արձանագրություններ, որի շրջանակներում իրավախախտները ենթարկվելու են վարչական պատասխանատվության:

ՄԱՆԿԱՊԱՐՏԵԶՆԵՐ

ԲԺՇԿԱԿԱՆ ՏԵՂԵԿԱՆՔԸ ՀԱՇՎԻ Է ԱՌԵՎԵԼՈՒ

ՀՀ առողջապահության նախարարության հեռ ԲՆՈՒՄԻՆԻՄԻՆ արդյունքում որոշվել է փոփոխություն կատարել 2021թ. հոկտեմբերի 11-ի N 76-Ն հրամանով հաստատված «Նախադրոցական հաստատությունների սաների ընդունելության կարգ»-ում. այդ մասին ArmLur.am-ը տեղեկացավ ՀՀ կրթության, գիտության, մշակույթի եւ սպորտի նախարարության հանրակրթության վարչության ոչես Արսեն Բաղդասարյանից:



Առաջարկվող փոփոխությունը վերաբերում է կարգի այն դրույթին, ըստ որի՝ ուսումնական տարվա ընթացքում, անկախ պատճառից, 75 աշխատանքային օր բացակայելու դեպքում սանն ազատվում է մանկապարտեզից: Առաջարկվող փոփոխությամբ նախատեսվում է, որ առողջապահական հաստատության կողմից տրված տեղեկանքի առկայության դեպքում սաների բացակայությունների հաշվարկում չի ներառվելու այդ ժամանակահատվածը:

Այսինքն՝ նոր փոփոխությամբ 75 աշխատանքային օրվան կգումարվեն նաեւ առողջապահական հաստատության կողմից տրված տեղեկանքի հիմքով բացակայության օրերը, որոնց համար, սակայն, եւս կսահմանվի առավելագույն ժամկետ: Արսեն Բաղդասարյանի խոսքով՝ նախադրոցական հաստատությունների տեղերը բավարար չեն բոլոր երեխաներին ընդունելու համար: Շատ երեխաներ այս պահին հերթագրված են եւ սպասում են նախադրոցական հաստատություն հաճախելու իրենց հերթին. միայն Երեւանում հերթագրված է շուրջ 10 հազար երեխա:

«Ստեղծվում է իրավիճակ, երբ նախադրոցական ծառայության մեջ ընդգրկված երեխաները փաստացի չեն հաճախում մանկապարտեզ այն դեպքում, երբ կան երեխաներ, որոնք հերթում սպասում են եւ չեն կարողանում ընդգրկվել: Տվյալ պարագայում հիվանդության հիմքով կամ որեւէ այլ պատճառով չհաճախելու դեպքում տրված էր համընդհանուր կարգավորում: Այժմ այլ մոտեցում ենք ցուցաբերելու՝ հաշվի առնելով բացակայության պատճառը», - պարզաբանել է վարչության պետը: Արսեն Բաղդասարյանը մանրամասնել է նաեւ, որ ՀՀ կառավարության ծրագրով նախադրոցական տարիքի երեխաների ընդգրկվածությունը մինչեւ 2026 թվականը կազմի 85 տոկոս: Այդ նպատակով մինչեւ 2026 թվականը նախատեսվում է վերակառուցել կամ կառուցել 500 նախադրոցական հաստատություն: Այս պահին 92 մանկապարտեզներում նորոգման եւ շինարարության աշխատանքներ են ընթանում, որոնցից մի մասի աշխատանքները կավարտվեն առաջիկայում:

Նր մանրամասնել է նաեւ, որ ՀՀ կառավարության ծրագրով նախադրոցական տարիքի երեխաների ընդգրկվածությունը մինչեւ 2026 թվականը պետք է կազմի 85 տոկոս: Այդ նպատակով մինչեւ 2026 թվականը նախատեսվում է վերակառուցել կամ կառուցել 500 նախադրոցական հաստատություն: Այս պահին 92 մանկապարտեզներում նորոգման եւ շինարարության աշխատանքներ են ընթանում, որոնցից մի մասի աշխատանքները կավարտվեն առաջիկայում: Հիշեցնենք, որ ավելի վաղ ArmLur.am-ը գրել էր, որ մանկապարտեզի ծնողներն ահազանել էինք՝ Երեւանի մանկապարտեզների սաների ծնողները հայտնվել են անհարմար դրության մեջ. պատճառը կրթության, գիտության, մշակույթի եւ սպորտի նախարար Վահրամ Դումանյանի որոշումն է: Խոսքը 2021 թվականի հոկտեմբերի 11-ի 76-Ն որոշումն է, ըստ որի՝ ուսումնական տարվա ընթացքում սանի՝ անկախ պատճառից 75 աշխատանքային օր բացակայելու դեպքում, ըստ կրթության նախարարի որոշման, հարգելի չի համարվում երեխայի բացակայության անգամ այն դեպքում, երբ երեխան հիվանդ է եղել եւ ներկայացրել է բժշկի տեղեկանք՝ այդ մասին վկայող:

ԼԻՊԱ ԵՐԻՎԱՆՅԱՆ

ՆՈՐ ՃԱՆԱՊԱՐԻՅԱՑՍԿԱԾ

ԿԲԵՌՆԱԹԱՓՎԻ ԿՈՄԻՏԵԱՍԻ ՊՈՂՈՏԱՆ

Մամիկոնյանց փողոցը Արամ Խաչատրյան փողոցին կադող նոր ճանադարհահասվածի շինարարությունն ավարտական փուլում է: Այն կերջանցի ու զգալիորեն կբեռնաթափի Կոմիտասի ողողսան:

ինն գերակա շահ, տեղում իրացման աշխատանքներ արվեցին: Երկու փողոցներն իրար կմիանան նոր կամրջով: Շինարարության ամենակարեւոր ու պատասխանատու հատվածը կամրջի կառուցումն է: «Միաձույլ երկաթբետոնե կառուցվածք է ունենալու կամրջը: Այն կլինի 11 մ լայնությամբ, որի 9մ երթելակն է: Կառուցվող կամրջը կարող է ծառայել 100 տարի», - նշում է «Երեւանի կառուցապատման ներդրումային ծրագրերի իրականացման գրասենյակ» ՀՈԱԿ-ի շինարարության կազմակերպման եւ վերահսկման բաժնի պետ Գագիկ Մարտիրոսյանը: Ճանապարհի արտաքին լուսավորության ցանցն անցկացվել է ստորգետնյա, լուսատուներն էլ կլինեն էներգախնայող լեդ տեսակի:

Հաշվի առնելով տեղանքի առանձնահատկությունները՝ ճանապարհահատվածի ամբողջ երկայնքով հենապատեր են կառուցվում, կամրջի հատվածից մինչեւ խաչմերուկ էլ կանցկացվի հեղեղատար համակարգ: «Ճանապարհի կառուցման աշխատանքներն իրականացվել են ամբողջությամբ Երեւան համայնքի բյուջեի միջոցներով: Շինարարությունը նախատեսվում է ավարտել նոյեմբերի կեսերին», - նշում է Շողիկ Երանյանը: Նոր ճանապարհների կառուցումն ու տրանսպորտային հոսքերից քաղաքի կենտրոնական հատվածների բեռնաթափումը, խցանումների նվազեցումն ու բնակիչների հարմարավետ տեղաշարժը քաղաքային իշխանության առաջնահերթություններից է: Համայնքն այսօր քննարկում է ճանապարհային մի շարք նոր նախագծեր:

«Օղովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻԷ

«ԴՐԱԽՏԻ ԴԱՐՊԱՍԸ»

AMC ԿԻՆՈԹԱՏՐՈՆՆԵՐԻ ՑԱՆՑՈՒՄ

ՀՀ ԿԳՄՍ նախարարությունից ArmLur.am-ին հայտնեցին, որ իրենց աջակցությամբ նկարահանված ռեժիսոր Ջիվան Ավետիսյանի «Դրախտի դարպասը» ֆիլմը 2022 թ. հոկտեմբերի 21-ից կցուցադրվի ԱՄՆ ամենախոշոր AMC-ի կինոթատրոնների ցանցի 10 խոշորագույն քաղաքներում՝ Փլեմինգ, Քեթրոյդ, Լաս Վեգաս, Օրանջ, Բոստոն և այլն:

Այս ցանցի կինոթատրոններն իրենց տարեկան ծրագրում ընդգրկում են 4-8 արտասահմանյան ֆիլմեր. այս տարի ցանկում է նաև հայկական արտադրության «Դրախտի դարպասը» ֆիլմը:

Նշենք, որ «Դրախտի դարպասը» ֆիլմն ընդգրկվել էր սեպտեմբերի 2-3-ն անցկացվող «Be Epic» Լոնդոնի միջազգային կինոփառատոնում, որտեղ ցուցադրվել է որպես փառատոնի բացման ֆիլմ՝ հաղթելով «Լավագույն օպերատորական աշխատանք» անվանակարգում:

«Դրախտի դարպասը» ֆիլմը Ջիվան Ավետիսյանի արցախյան թեմատիկայով երրորդ լիամետրաժ ֆիլմն է: Այն ութ երկրի (Յայաստան, Լիտվա, Գերմանիա, Ֆրանսիա, Բուլղարիա, Չեխիա, Իտալիա, ԱՄՆ) համատեղ արտադրություն է:

Ըստ ֆիլմի բովանդակության՝ գերմանացի լրագրող Ռոբերտ Ստերնվալդը (50 տարեկան) 2016 թ.-ին վերադառնում է Արցախ՝ լուսաբանելու քսաներկու տարվա ընդմիջումից հետո վերսկսված պատերազմը: Լրագրողական հետաքննության արդյունքում ծանոթանում է երիտասարդ օպերային երգչուհի Սոֆյա Մարտիրի (35 տարեկան) հետ: Ռոբերտի եւ Սոֆյայի հաճախակի հանդիպումներն արթնացնում են փոխադարձ սիրո զգացմունք, սակայն պարզվում է, որ Սոֆյան անհայտ կորած ֆոտոլրագրող Էդգար Մարտիրոսյանի աղջիկն է: 1992թ.-ին՝ Թալիշի անկման օրը, Ռոբերտը ֆոտոլրագրողին թողել է գյուղում՝ գերեվարության մեջ, ապա յուրաքանչեւ նրա՝ մարտի դաշտում արված լուսանկարները: Ֆիլմի ռեժիսորը Ջիվան Ավետիսյանն է, սցենարիստներ՝ Արտավազ Եղիազարյան, Մկր Մախասյան, օպերատոր՝ Ռիտիս



LAS CRUCES INTERNATIONAL FILM FESTIVAL 2021
 Official Selection
 TMA OFFICIAL SELECTION
 EUROPEAN WORK IN PROGRESS COLOGNE October 16-18, 2019

ՌԻՏԱՐԴ ՉԱՄԵԼ ՏԱՏՅԱՆԱ ՄՊԻՎԱԿՐՈՎԱ ՍՈՒ ՋԱՆԻԲԵԿՅԱՆ
 ԵՆՈՆԱՐԴԱՍ ՊՈԵՏՐՈՆՈՍՑԵԿԱՆ ՆԱԻՐԱ ՉԱՔԱՐՅԱՆ
 ՆԻՆԱ ԿՐՈՆՅԱԳԵՐ ԲԵՆԵՂԻԿՏ ՖՐԵՅՁԱԳ

ԴՐԱԽՏԻ
 դարպասը

Կուրկուլիս, դերասաններ՝ Ռիտարդ Ջամել, Տատյանա Սպիվակովա, Սոս Ջանիբեկյան, Էնոնարդաս Պոբեդոնոսցեաս, Նաիրա Ջաքարյան, Նիկա Կրոնյագեր, Բենեդիկտ Ֆրեյթագ, պրոդյուսերներ՝ Մասիս Բաղդասարյան, Կեստուտիս Դրազդաուսկաս, ընկերություններ՝ «Ֆի2 Այ Արթ» մշակութային հիմնադրամ, «Արթթրք» կինոընկերություն:

ԼԻՊԱ ԵՐԻԱԶՈՐՅԱՆ

ԼՈՒՐԵՐ

ՊԱՏԺԱՄԻՋՈՑՆԵՐ՝ ԵՐԳՉՈՒՂԻՆԵՐԻՆ

Պաշտոնական Կիելո պատժամիջոցներ է կիրառել ուկրաինացի երգչուհիներ Անի Լորակի, Թախյա Պովալիյի և Աննա Սերոկովայի, ինչպես նաև հեռուստահաղորդավարուհի Ռեգինա Տոդորենկոյի նկատմամբ: Համապատասխան հրամանագիրը հրապարակվել է երկրի նախագահ Վոլոդիմիր Ջելենսկիի պաշտոնական կայքում: Սահմանափակումները ներառում են 15 միջոցներ, ինչպիսիք են ակտիվների արգելափակումը, պետության տարածքից կապիտալի դուրսբերման արգելքը, հողի ձեռքբերումը, սեփականաշնորհումը և վարձակալությունը, թույլտվությունների և լիցենզիաների չեղյալ հայտարարումը: Կիելո որոշել է նաև զրկել նրանց Ուկրաինայի պետական մրցանակներից: Պատժամիջոցները կիրառվում են հինգ տարի ժամկետով: Ավելի վաղ Ուկրաինայի նախագահ Վոլոդիմիր Ջելենսկին հաստատել էր Ազգային անվտանգության և պաշտպանության խորհրդի (ԱԱՍԽ) որոշումը՝ ՌԴ արտագործնախարար Սերգեյ Լավրովի կնոջ և դստեր, ինչպես նաև Բելառուսի նախագահ Ալեքսանդր Լուկաշենկոյի կնոջ՝ Գալինայի նկատմամբ 10 տարի ժամկետով պատժամիջոցներ կիրառելու մասին: Նրա նկատմամբ կա 13 խափանման միջոց: Ընդհանուր առմամբ, Ուկրաինայի ղեկավարը պատժամիջոցներ է կիրառել 2507 ֆիզիկական անձանց և 1374 ընկերությունների նկատմամբ:

ԱՄԵՆԵՏԻ ՉԱՓԸ

Երգչուհի Պելագեիի նախկին ամուսինը՝ Իվան Տելեգինը, դիմել է դատարան՝ իրենց դստեր՝ Թախիայի ալիմենտի չափը նվազեցնելու խնդրանքով: «Հայց է ստացվել ալիմենտի չափը անսահման աշխատավարձի եւ (չամ) այլ եկամուտների 1/4-ից 1/6-ի նվազեցնելու մասին», - ասվում է Մոսկվայի դատարանի մամուլի ծառայության տարածած հաղորդագրության մեջ: Ալիմենտը կրճատելու պատճառներն անհայտ են: Ավելի վաղ երգչուհին շահել էր դատը՝ նախկին ամուսնու՝ Իվան Տելեգինի դեմ: Հոկտեմբեր 2022-ից է ներկայացրել այն բանից հետո, երբ մայիսին պարտվել է համատեղ ունեցվածքի բաժանման դատական գործում: Պելագեիի և Տելեգինի դուստրը ծնվել է 2017 թվականին, որից երկու տարի անց զույգը բաժանվել է:

ՄԵՐԻԱԼԻ ԹԻԵՅԼԵՐ

Netflix հոսքային ծառայությունը հրապարակել է «Թագը» սերիալի հիմնադրող եթերաշրջանի երկար սպասված թրեյլերը: Դրվագները հոսքային ծառայությունում հասանելի կլինեն նոյեմբերի 9-ից: Ֆիլմի գործողություններն այս անգամ ծավալվում են 1990-ականներին, որը բրիտանական թագավորական ընտանիքի համար ամենախնայուն սիվիլ և մուգ տասնամյակներից մեկն է: Արքայադուստր Դիանան (Էլիզաբեթ Դեբիգլի) որոշում է վերջնականապես ամուսնալուծվել Չարլզից (Դոմինիկ Ուեսթ): Սա հակասությունների է հանգեցնում Էլիզաբեթ II-ի (Իմելդա Ստաունթոն) և նրա շրջապատի հետ, որոնք մտադիր են պահպանել հանրային կերպարը: Եթերաշրջանում նկարահանվել են «Օսկարի» հավակնորդներ Ջոնայան Փոլսոնը (Արքայազն Ֆիլիպ) և Լեյլի Մանվիլը (Արքայադուստր Մարգարետ), Ջոնի Լի Միլլերը (վարչապետ Ջոն Մեյջոր), Օլիվիա Ուիլյամսը (Կամիլա Փարքեր-Քոուլզ) և այլք:

ՀԵՏԱԱՐՈՒ ՀՈՒՇԱՍԵՂԱԼ

ՀԱՆՉՆՎԵԼ Է ԵՐԳՉԻ ԵՂԲՈՐԸ

Հայաստանի Հանրապետության ԱԺ նախագահ Ալեն Սիմոնյանը հոկտեմբերի 21-ին Հայաստանի Հանրապետության վասակավոր առփաս Հայկ Հակոբյանի (Հայկո) դարգելը՝ հեռանալու հուսամեղալը, հանձնել է երգչի եղբայր Վահե Հակոբյանին:

Շնորհակալություն հայտնելով Ալեն Սիմոնյանին՝ Վահե Հակոբյանը նշել է, որ հուշամեդալն իր պատվավոր տեղը կունենա Հայկոյի ստուդիայի հատուկ անկյունում: Նա նշել է, որ ստուդիան Հայկոյի մահից հետո վերածվել է թանգարանի, որտեղ այցելում են երգարվեստի պրոֆեսիոնալներն ու նոր սերնդի շնորհալի երիտասարդները:

Հիշեցնենք, որ Ալեն Սիմոնյանը հայ մշակույթի և երգարվեստի զարգացման գործում ներդրած մեծ ավանդի համար երգիչ և երգահան Հայկ Հակոբյանին (Հայկո) հեռանալու պարգևատրել էր Հայաստանի Հանրապետության Ազգային ժողովի նախագահի հուշամեդալով:



● Հոկտեմբերի 25-ին Վանաձորի Շառլ Ազնավուրի անվան մշակույթի պալատում տեղի կունենա ««Չարթոնք» Վահան Տերյան» պոեզիայի երեկոն: Տոմսերի արժեքը՝ 2000-3000 դրամ: Սկիզբը՝ ժամը 19:00-ին:



Էջը՝ ՈՂՋԱ ՊՈՂՈՍՅԱՆԻ

ԿԱՐԳ

ՀԱՐՑ. Ի՞նչ դեպքերում է անհի անձը կենսաթոշակի անցնելու համար:

Լիաննա Օհանյան (61 տարեկան)



ՊԱՏԱՍԽԱՆ. Եթե անձը ձեռք է բերել կենսաթոշակի անցնելու իրավունք, ապա առաջին հերթին պետք է նախապատրաստի կենսաթոշակ նշանակելու համար անհրաժեշտ փաստաթղթերը եւ դիմի իր բնակության (հաշվառման) վայրի կենսաթոշակ նշանակող մարմին: Այսպես, տարիքային կենսաթոշակ նշանակելու համար նա պետք է ներկայացնի՝

- 1) դիմումը,
 - 2) անձը հաստատող փաստաթուղթը,
 - 3) հանրային ծառայությունների համարակիցը,
 - 4) աշխատանքային ստաժը հաստատող փաստաթուղթը (աշխատանքային գրքույկը, անհրաժեշտության դեպքում ստաժը հաստատող այլ փաստաթղթեր կամ արխիվային տեղեկանքներ),
 - 5) սոցիալական վճար կատարած լինելու մասին ծառայության տված տեղեկանքը (կամ այդ փաստը հավաստող վճարման հանձնարարագրեր, անդորրագրեր) կամ գործատուի (Հայաստանյայց առաքելական սուրբ եկեղեցու եկեղեցականի դեպքում՝ Մայր Աթոռ սուրբ Էջմիածնի կաթողիկոսարանի) տված տեղեկանքն աշխատավարձի չափի մասին՝ ըստ տարիների եւ ամիսների,
 - 6) լուսանկար (4 x 6 սմ չափի):
- Կենսաթոշակ նշանակող ստորաբաժանումում նա լրացնում է աշխատակցի տրամադրած դիմումի ձեւը, որից հետո նրան է վերադարձվում դիմումի ծանուցումը, որտեղ նշվում է դիմումի գրանցման համարը, ընդունման ամսաթիվը, ընդունող աշխատակցի ազգանունը, անհրաժեշտության դեպքում՝ լրացուցիչ փաստաթղթեր ներկայացնելու ժամկետը:

«ԺՈՂՈՎՈՒՐԳ». Կենսաթոշակ նշանակելու համար բնակության վայրի մասին տեղեկանք չի պահանջվում, բավարար են անձնագրում քաղաքացու անձնական տվյալների եւ նրա հաշվառման վայրի մասին նշում պարունակող էջերի պատճենները:

ԿՐԹՈՒԹՅՈՒՆ

ՀԱՐՑ. Ի՞նչ պայմաններով կարող եմ ստանալ ուսանողական վարկեր:

Հայկ Մարտիրոսյան (23 տարեկան)



ՊԱՏԱՍԽԱՆ. Այս ծրագիրը կրթության ֆինանսավորման այլընտրանքային գործիք է, որ հնարավորություն կտա ձեզ ձեռք բերել վարկեր ուսումնառության ընթացքում եւ դրանց հիմնական մասը մարել ուսումնառության ավարտից հետո: Ծրագրի շրջանակում ուսանողներին վարկեր են տրամադրվում 12 տոկոս տարեկան տոկոսադրույքով, որից 2 տոկոսը սուբսիդավորում է պետությունը, իսկ մեկ տարվա ընթացքում առավել բարձր առաջադիմություն ցուցաբերած ուսանողների դեպքում սուբսիդավորումը կկազմի 3 տոկոս: Վարկերը տրամադրվում են 10 տարի մարման ժամկետով՝ սահմանելով արտոնյալ ժամկետ՝ ուսումնառության ընթացքում առավելագույնը 4 տարվա համար, ինչը նշանակում է, որ այս ընթացքում մայր գումարի մարում տեղի չի ունենում, վճարվում են միայն տոկոսադրույքները: Յուրաքանչյուր ուսանողի հաշվով նախատեսված է առավելագույնը 1.800.000 դրամ առավելագույնը 4 մասնաբաժնով, սակայն ոչ ավելի, քան 450 հազար դրամը՝ կախված յուրաքանչյուր մասնագիտության համար սահմանված ուսման վարձավճարի չափից:

ՀՀ ֆինանսների նախարարություն

«ԺՈՂՈՎՈՒՐԳ». Ծրագրի մասին առավել մանրամասն տեղեկատվություն ստանալու համար կարող եք դիմել «Բնակարան՝ երիտասարդներին» վերաֆինանսավորում իրականացնող վարկային կազմակերպություն:

ԼՈՒՐ ԿԱՐԴ

Լուսանկարը՝ համացանցից



Հոկտեմբերի 21-ին՝ ժամը 10:00-ի դրությամբ, Աշոցքի տարածաշրջանի ավտոճանապարհներին ձնախառն անձրև է տեղացել: Ձմեռը այս տարի մի փոքր վաղ շտապել է հյուրընկալվել Աշոցքում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____

Ազգանուն՝ _____

Առաքման հասցե՝ _____

Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 21.10.2022
Պատկերը՝ Պատկերասրահի մասը, ք. Կարբինո, 4 համարում, 2021

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: